

INUIT ATAQATIGIIT

INATSIARTUNI



UPA17/131
20. april 2017
Debora Kleist

Meeqqat tapersorneqarnissaannut Inatsisartut inatsisaat nr.xx,xx xxx 2017-meersoq

(Ilaqutariinnermut Naligiissitaanermut, Isumaginninnermut Inatsisinillu Atuutsitsinnermut Naalakkersuisoq)

Oqartuarpugut meeqqat inuusuttullu nunatta siussarigaat, taammaattumillu pingaaruteqarlunnarpoq nunatsinni meerartatta pitsaanerpaamik atugassaqartinneqartuarnissaat. Meeqqamut toqqissisimanarnerpaaq taassavoq angajoqqaaminni peroriartornissaat. Allatigullu angajoqqaat ajornartorsiuteqarneq pissutigalugu meeqqaminnik arsaarneqartarnerat minnerpaaffianiitinneqartariqarpoq. Angajoqqaajusut perorsaansaminnut pikkorissarneqartariaqartut/ilinniartinneqartariaqartut aqutissiuuneqarnissaat periarfissaasariaqarpoq, meeqqaminnik toqqissimasumik perorsaansaat anguniarlugu. Tamannalu siusissukkut iliuuseqarnikkut anguneqarsinnaavoq, ilaqutariinnut iluaqqutaasussamik.

Inuit Ataqatigiit pingaartippaat meeqqat tapersorneqarlutik, isummensor-tinneqarlutik, tusaarnaaneqarlutik, oqariartuuteqarsinnaanerata inersimasunit ataqineqarnissaat.

Nuannaarutigarpugut meeqqat tapersorneqarnissaat pillugu inatsisissap Naalakkersuisut maanna saqqummiusumik, taamaassilluni inatsit iluarsartuuneqarsimanngitsaq aamma kommuneni malitsikkuminaatinneqarsimasoq aaqqiivigineqarneqartussanngorpoq.

Inatsisissatut siunnersuumi pingaarnertut anguniaavoq meeqqat pisin-naatitaaffiisa sutigut tamatigut nukittorsarneqarnissaat. Inuit Ataqatigiit pingaartipparputtaaq meeqqat inuusuttuaqqallu tapersorneqarsinnaanerannut suliaqarnermi, tunngavissat pingaaruteqartut ilagaat Naalagaaffiit Peqatigiit Meeqqat pillugit isumaqatigiissutigereersimasaanniit aallaaveqarnissaa. Taamaassilluni meeqqat inuusuttuaqqallu sullinneqarnerat aammalu toqqissimasumik peroriartornissaat nukittorsarneqassamat eqqaamassavarpummi inersimasut kikkulluunnit perorsaaqataasussaamata, akisussaaqataaannermikkut.

Inatsisissami pingaartinneqartoq anguniaasorlu tassaavoq suleqatigiineq susassaartut akimorlugit, akisussaaffimmik, suleriaasissamik ersarissaaneq. Kiap qaqagukkut qanorlu iliortoqarnissamik suleriuseqarnissamik pilersaarusiorneq. Nalunaartussaataitanermut inersimasut tamatta akisussaaffigarpugut, taamaatorli meeqqanik inuusuttuaqqanillu sullissit, qinikkat, sakkortunerusumik nalunaasuisussaataitanerat ersarissarneqartut ilagaat. Tamannalu iluarisimaarparput.

Inatsisissap malitsigiumaagai Nalunaarutersarinnerusoq, ilitsersuinissamut najoqqutassat. Naluaarut suliarineqartussap kommuneni sullissisunut pikkorissaatigineqarnissa aasamut pilersaarutaasoq tusarluarnarpoq.

Pikkorissartitsinerut qulakkiisammagu sullissisussat pitsaasumik sullissinissaat.

Isumaqartuarpugutaq siusissukkut iliuuseqarneq pitsaaliuinerlu meeqqanik inuusuttuaqqanillu sullissisunit suli annertusarneqartuartaqartoq pingaartinneqarlunilu. Taamaaliernerut

kingunerisinnaamagu siunissami meeqqat angerlarsimaffiup avataannut inissineqartartut ikinnerulernerat.

Inatsisissami suliarineqartumi meeqqerivimmiit – atualernissamut ikaarsaanermi ilisimasaniq avitseqatigiitarnissaq anguniarlugu, nipangersimasussaataanerup aporfiusarnera eqqaarsaatigineqarnissaa kaammattuutigerusunnarpoq. Ilaatigut suliap ingerlanneqarnerannut akimmiffiusarnera ilisimaneqarmat.

Taammatut oqaaseqarluta Inuit Ataqtigiit innersuusutigaarput Inatsisissatut siunnersuutip Ilaqtariinnermut Peqqissutsimullu Ataatsimiititaliami sukumiissumik suliarineqarnissaa.